

四庫全書

子部

欽定四庫全書

子部

元和姓纂卷二

詳校官中書_臣金應琦

員外郎_臣牛稔文覆勘

謄錄監生_臣陳
邊

欽定四庫全書

元和姓纂卷二

上平聲支韻至庚韻

唐林寶撰

五支

支

姓苑云人姓

琅琊姓苑云今琅琊有支氏

西域石趙司空支雄傳云其先月支人也晉有高

僧支遁字道林天竺人

隨

周同姓國也又杜伯曾孫晉大夫食采於隨邑亦曰
隨會漢有博士隨何又有扶風隨蕃

枝

楚大夫枝如子躬之後或姓枝如氏

案通志謂晉藥
枝或秦公孫枝

之後以名為氏者若枝如
子躬其後自為枝如氏

趙郡邯鄲為郡著姓漢有符節令宏字孟十一代

孫固邁生逸燕易州刺史昌黎公生鎮後魏為七兵

尚書曾孫燮生仲讓北齊國子祭酒仲讓生彥通滑
州別駕

義安 後魏有枝雅

濮陽 唐考功郎中枝逸文

馬邑 後魏有枝夸

皮

風俗通卿士樊仲皮之後皮氏漢有諫議大夫皮究
下邳 後漢上計掾秦嘉集叙皮仲固撰晉有尚書

郎皮諱宋武康令皮延年並下邳人王僧孺百家譜云荀昭娶下邳皮仁之女後魏有皮豹子隋書旭州刺史皮子信今大理司直遐叔南昌人

媯

音規

世本帝舜之後舜生漵子孫氏焉漢有媯皓後改為姚氏文士傳有媯覽

奇

見姓苑云伯奇之後以王父字為氏一曰魯昭公子

奇之後漢書南郡太守奇昆

河南 後魏官氏志奇斤氏改為奇

義

義和堯掌天地之官子孫氏焉

戲

伏羲之後子孫氏焉

儀

衛大夫儀封人見論語大夫儀楚

西河 漢有儀長孺

驪

左傳驪戎國之後在應昭縣

案應昭唐志作昭應古新豐縣唐改名昭應宋

大中祥符中改臨潼縣東有驪戎故城

卑

卑耳國人之後或云鮮卑衆類漢有北平太守卑躬

河間人

雁門 後漢太尉掾卑陁又魏志公孫度將有卑術

訾

風俗通帝嚳妃訾嫫氏女姓苑云今齊人漢書漢功臣表有樓虛侯訾順

斯

姓苑云吳人吳志邳縣吏斯從也

東陽 南齊書東陽郡有斯氏

彌

史記衛公孫彌子瑕以王父字為氏三輔決錄云王

莽時彌強

新豐 漢末新豐人中叔見決錄

猗音伊

史記猗頓魯國富人

河東猗氏 猗頓自魯居之

馳

見姓苑馳湛馳竈

宣城 姓苑云今宣城有馳氏

池

以所居為姓漢有中年令池瑗魏有城門侯池仲魚

睦

趙大夫食采睦邑因以為氏

按睦宏見漢書睦固見魏志睦夸見北史

蕃

音皮

其先出自魯大夫食邑於蕃因以為氏後漢黨錮傳

有蕃嚮

按廣韻蕃無皮音惟集韻音皮考左傳疏引魯國地理志曰番讀如藩屏之藩言魯國南

藩也汝南陳子游為魯相子游者藩之子也國人避諱遂改皮音又白褒魯國記同今附入支韻

彌且

後秦冠軍大將軍彌且婆獨遼東侯彌且高地立節
將軍彌且成後魏末都督彌且元進夏州酋望也唐
右領軍將軍延州刺史

戲陽

英賢傳曰秦穆公時有戲陽伯樂善相馬漢有侍御
史戲陽放

差師

世本魏公族有差師氏

六脂

伊

帝堯伊祁氏之允裔孫伊尹名摯相湯生陟奮風俗
通漢有議郎伊推又伊喜嘉為雁門都尉石顯黨也
山陽 蜀志伊籍山陽人今右僕射安廣節度伊慎
廣州人

河南 官氏志伊婁氏改為伊氏後魏有伊婁馥代

人

郝

出自己姓青陽氏之後蘇忿支孫封郝邑因氏焉趙
有郝疵

高平金鄉 秦末郝氏自晉陽徙高平蜀有郝正偃
師人漢魏之際司徒郝慮慮元孫晉太宰南宮鑒
生超超生愔鑒五代孫暄女為梁武皇后唐庶子昂
蓋其後也生士美澤潞節度也

祁

帝堯伊祁氏之後左傳晉大夫祁奚生午午生盈生
勝姓苑云今扶風有此姓唐刑部員外郎祁順

樂陵 祁順之後居滄州

師

風俗通師樂人瞽者稱晉有師曠魯有師乙晉師悝
師觸師蠲

琅邪東武

漢丞相高樂侯師丹後漢師宜官

案師宜官

別為師
宜氏

工書晉石勒為師歡奴

按晉書載記師歡
往平人歡作懼

資

黃帝之後食采益州資中因為氏

陳留 風俗通資成陳留人

飢

左傳殷人七族有飢氏

按左傳飢
氏作饑

尸

漢書尸佼晉人為商君師著尸子風俗通云其先封

於尸鄉故為尸氏齊相有尸臣

按廣韻注晉人作秦人

螺

出自西陵氏女螺祖為黃帝妃後世以螺為氏

刃

蜀有刃達之後避難改焉

按廣韻注作刃達非刃達

麋

楚大夫受封南郡麋亭因以為姓

東海朐山

漢有麋敬蜀志有麋竺生芳

案蜀志作竺弟芳

宋有麋昺之又麋信撰說要注穀梁

案麋信之麋一作麋

邳

左傳晉大夫邳鄭邳豹

案左傳邳鄭丕豹俱不从邑

信都 風俗通云奚仲為夏車正自薛封邳其後為氏後漢二十八將有衛尉信都邳彤

平

左傳魯桓公平之後以王父名為姓其後有平無還

案魯桓公名允此作平誤且亦不得為平氏所自出通志及急就篇俱作晉大夫平鄭父子豹之後平亦

作王又徐廣
曰桓公名軌

伊婁

後魏獻帝與隣第六弟為伊婁氏為十姓因官氏焉
河南 後魏徐州刺史濟南公伊婁信生伊婁公伊
婁公生彥恭隋武候大將軍濟陽公生明傑唐鄆州
長史九真男生大辯大昌

祁夜

鄭公子且食采開封因氏焉鄭大夫祁夜狐

師子

世本鄭有師子僕漢有北平太守師子將

師祈

左傳楚有師祈犁漢有郎中師祈光

師宜

後漢有南陽人師宜官

夷鼓

英賢傳黃帝子夷鼓之後見國語秦大夫有夷鼓德

宜

夷門

史記魏隱士侯嬴為夷門監者因氏焉

尸遂

姓氏英賢傳云南匈奴尸遂鞮裔孫尸遂降漢以國為氏

蔡仲

蔡叔子蔡仲胡之後趙時有蔡仲其

七之

時

齊有賢人時子著書見孟子新論有時農

鉅鹿 魏有壽春令時苗後趙有謁者僕射時軌姓

苑云並鉅鹿人也

陳留 唐登州刺史時德叡世居汴州尉氏曾孫元

佐潁州刺史

怡

本姓墨台孤竹君之後因避事改焉後魏有怡寬遼
西人生峯後周樂陵公生昂都公光清河公

旗

風俗通楚大夫居旗思城因以為氏

蘄

漢有宏農太守蘄良姓苑云蘄春侯之後

狸

左傳八元季狸之後

菑

音縑

見姓苑北海孔融集菑莊青州人

治

出何氏纂文要音遲

蚩

蚩尤之後以國為姓

慈

高陽氏才子之後美其宣慈惠和因以為姓

司馬

重黎之後唐虞夏商代掌天地周宣王時裔孫程伯休父為司馬克平徐方錫以官在趙者曰凱以傳劒

知名黼黻其後也在秦者司馬錯元孫昌生懌懌生

善案史記太史公自序及漢書本傳俱作昌生母懌母懌生喜此悞善生談太史公

生遷漢中書令

河內溫縣 黼黻元孫邛為趙將封武信君案司馬邛為趙

武臣將武臣封武信君此作邛封武信君悞項羽封邛為殷王漢以其地

為河內郡子孫家焉孫楷漢武都太守孫鈞後漢征
西將軍魯孫防京兆尹生郎懿孚馗七代孫楚之後
魏封琅邪王馗六代孫叔璠後魏冠軍將軍汝南王
亮五代孫景之後魏蒼梧公琅邪冠軍蒼梧號三祖
司馬氏琅邪王楚之即彭城王懼六代孫也楚之曾
孫裔裔曾孫元祚唐庫部郎中生希奭希象希奭明
堂尉生鎰銓銓鎰吏部黃門中書三侍郎京兆尹生
蒼錘並錘魏郡太守銓庫部郎中生望希象生爵郎

中元祚再從子承禎字子益天台道士有高行元祚
四從子仁節大理評事生皓曜曜曹州刺史蒼梧公
景之七代孫思溫唐左衛長史冠軍房子孫無聞亮
生南頓王宋過江今號江南司馬氏宗八代孫宅相
太子洗馬生遜晉譙剛王七代孫筠賢筠梁尚書左
丞賢孫待微唐撫州刺史兄子利賓

雲中 北齊司空司馬子如稱晉南陽王模七代孫
也兄子瑞吏部尚書幼之大理卿瑞生同游侍中又

刑部侍郎司馬逸客稱琅邪王馯後魏都官員外郎
喬鄉鄆縣人也

司徒

帝王世記曰舜為堯司徒支孫氏焉衛文公生公子

其許之後

案衛有司徒瞞成此公子其許未詳

為司徒氏宋邊邛為其

司徒後氏焉陳成公子亦司徒氏漢有安平相司徒

肅中謁者司徒發禹為堯司徒支孫氏焉帝堯後有

隰叔

按此下疑有脫悞

孫司徒發仕為晉司徒因氏焉晉大

夫號司徒季子

京兆 上元潤州刺史司徒襲或云河內人署虞部

郎中孫圖

司城

世本云宋戴公生東鄉克孫樂喜為司城氏陳哀公
子邾勝之後亦為司城氏

司寇

世本云衛靈公子郢子孫為司寇亥之後風俗通蘇

忽生為司寇其後氏焉禮記惠子魯大夫

司功

世本晉大夫司功景子其先士句也因官氏焉周有

太史司功騎

司揭

古今人表有司揭拘又司揭扶楚靈王大夫見韓非

子

司工

周宣王時司工錡因官氏焉

綦母

左傳晉大夫綦母張風俗通漢有廷尉綦母參戰國策綦母子與公孫龍爭辯

會稽 後漢綦母俊為會稽主簿因居焉後漢交趾刺史綦母閭與荀爽事陳太邱魏有綦母廣明與管寧為友晉有綦母倪江左有綦母遂為邵陽太守前趙有綦母達為特進呂都公綦母珍之為中書舍人

南康 開元右拾遺綦毋潛虔州人又北齊有信州
刺史綦毋懷文入藝術傳

綦連

代北人號綦連部因氏焉

期引

西秦錄記乞伏氏與期引氏自漢北出陰山

案晉載記乞伏

之先與如弗斯出連此盧三部自漢北出陰山無期
引氏又國仁以斯引烏堡為左輔將軍當以斯引為

正此期
引恨也

熙氏

英賢傳帝信使元冥為水正熙氏佐之為氏焉

釐子

偃姓之後僖公二年徐滅釐子子孫氏焉

茲母

左傳齊大夫茲母還漢有侍御史茲母恒

八微

章

顓頊氏之後大彭為夏諸侯彭子受封豕鬻周赧王
滅之以國為氏因家彭城至孟又遷魯

京兆杜陵 孟元孫賢漢丞相扶陽侯徙京兆杜陵
生元成七代孫曹魏安城侯生二子潛號西眷穆號東眷
西眷潛八代孫周平齊公瑱生師師孫宏敏太府卿平章

事從父仁與鳳州刺史素立主爵員外

按唐世系表宏敏仁
與素立時兄弟與此

不合仁與兄子容成邛州刺史素立兄孫瑤果州刺史宏敏
從祖兄懷質光祿卿懷敬右領將軍生知藝儀州刺

史

按唐世系表
儀州作襄州

懷質孫顥陰平太守曾孫漸陵州刺

史生宗禮審規懷質堂弟匡素和州刺史孫洽考功

郎中洽生收瑤再從姪杞宋州刺史瑱三從兄法保

周安國公孫繪唐倉部員外保兄子武威邵州刺史

東眷穆八代孫旭長子逍遙公夔生康洸恭

按恭字
下脫顥

仁基二人又恭
唐世系表作璿

藝冲約康隋吏部尚書生福嗣福獎

嗣生恂憬恂御史中丞憬吏部郎中元孫啓肇班啓

左補闕生彭肇吏部侍郎生綬貫之纏綬左常侍致

仕貫之中書舍人

按唐書貫之相穆宗

經吏部員外衢州刺史

生汭肇三從弟乾度豪州刺史福獎生寡尤洋州刺

史寡尤生璋珍璋湖州刺史

按唐世系表璋生

孫黃

蒙昇州刺史兼中丞採訪使洸隋廣州總管襄陽公

生協協生仲銳金部郎中銳孫良嗣

案唐世系表仲銳弟叔銳生良

嗣良嗣生文彦與此不合

給事中生稹給事中京兆少尹知府事

恭隋安州總管生萬頃仁基萬頃生元整曹州刺史

頤孫晤元戶部郎中仁基龍州刺史生元祚哲元祚

司門郎中曾孫霸吏部郎中汝州牧祚元孫儼案唐世系

表祚元孫儼駕部郎中哲元孫輔元生厚叔案唐世系表輔

元作元輔厚叔作原叔藝周齊州刺史魏興懷公生彤或晏宣

敏彤生彥師彥方師撫州牧生承徽忠州刺史彥方

生徵同徵生衡行衡衡原州都督生寂左司郎太府

少卿寂生峴嶼案嶼唐世系表作嶼嶠嶠行孫萬案唐世系表行孫作行子

兼監察御史萬生處厚拾遺案唐書處厚相文宗衍少子京富

平令衢殿中監開廐使同密州刺史生衍右驍衛將

欽定四庫全書

元和姓纂

十一

軍衍生少華太府卿或生元方禮部郎中晏孫希仲

刑部郎中宗正太常卿扶陽公希仲生景先敬先曾

先案唐世系表曾先作胃先象先景先湖州刺史敬先拾遺曾先

殿中侍御史象先生珣將作少監通事舍人宣敏生

嶠秋官侍郎嶠生友直友諒友清友直司門郎中友

清生郊坊州刺史冲隋戶部尚書義豐公聘陳生挺

德運挺御史大夫生待價履冰興宗萬石待價左僕

射扶陽公生令儀案唐世系表此下尚有烈一人司門郎中梁州都

督令儀生鑒鑒錡銘鑑鑒生應物蘇州刺史應物生

慶復鑑生繫岳州刺史鑑監察御史生武兵部侍郎

生京京兆尹案唐世系表武為京兆尹後無人此作生京或因京兆字誤未詳烈曾

孫宏景司門員外郎翰林學士興宗生令望令悌令

裕令望生叔卿丹州刺史叔卿生潁潁潁昭應令潁

饒州刺史令悌孫汎江州刺史令裕屯田員外萬石

吏部郎中太常少卿知吏部選德運生山甫吉甫山

甫屯田郎中吉甫司門郎中生按生字疑行約隋儀同觀

欽定四庫全書

元和姓纂

十一

城公生克己後已克己生遙光萬年今後已曾孫誠

奢殿中御史誠奢生旺兵部郎中旺生公輔公素公

度公璵公肅旭次子郎國公裕字孝寬周大司徒尚

書令生總壽霽津靜案鄭襄公六子唐世系表尚有諶一人此脫總生匡

伯圓照匡伯生思言思齊思仁思言生逞光祿卿思

齊司祿卿生案唐世系表思齊生紀此脫衛尉卿懷寧公思仁尚

衣奉御生巨源液巨源侍中生明別華州刺史液孫

寡悔圓照孫觀生潤案唐世系表圓照生觀觀生與與生潤與此不合鴻潤

生昭信滄州長史中丞鴻

案唐世系表鴻作湜

生昭訓太僕昭

訓生光宰太僕少卿光裔少府監光弼大理少卿光

弼生薦庠庇元光胄太常少卿生慶光輔大理少卿

壽隋恒州刺史滑國公生寧巒義節寧巒右衛副率

孫知達

案唐世系表知達作知遠

監察御史義節刑部侍郎襄城

公孫慎行慎名慎惑慎行生潛渙潛澧州刺史渙嘉

州刺史慎名彭州刺史慎惑右驍騎將軍霽隋岐州

刺史左常侍致仕津隋隴州刺史黃門侍郎吏部尚

書唐諫議大夫太僕少卿壽光男生金壁

案唐世系表金壁作

全壁

琬琨璵瑜金壁生悅忻季重懽悅給事中生勉幹

勉復州刺史忻兵部郎中生希先

案唐世系表復作與

希一

審希先比部郎中魯虞部郎中杭州刺史季重生烈

都官員外烈生邁迪懽生千里持盈千里生昂昂生

宏琬職方員外成州刺史生令則叔夏季良才絢安

石季弼叔夏禮部侍郎生縉太常卿太子少師縉生

宏協義才絢溫王府司馬生求回由韶嬰最睦由鴻

臚少卿生士炎埤址埤韶明州刺史生大同嬰生士
南萬州刺史士文秘書少監安石中書令郇文貞公
生陟斌陟吏部尚書生士瞻允允吏部員外潁州刺
史四代入省允生同元同訓斌中書舍人汝州刺史
生袞曼漉襄塲凜况袞駕部郎中四代入省生同懿
同休同憲漉洛陽令凜朗州刺史况諫議大夫季弼
生廉考功員外廉生肅端端生縝紓琨戶部侍郎太
子詹事生暢展初平

案唐世系表
初平作幼平

調翼暢生抗楫拯

抗刑部尚書生翹同州刺史拯戶部郎中生演展孫

澣閬州刺史初平生抱貞梓州刺史抱貞生綬政

生丹丹生宙調孫峯隴州刺史翼太府卿璲倉部郎

中瑜歙州刺史穆五代孫闕

案唐世系表闕作閬

後魏殿中尚

書生範範生法儁顥祖歡法儁生子榮榮亮道諧子

榮生孝審集州刺史榮亮生綱綱生文宗文傑文宗

生德敏德基德敏考功郎中太府少卿生璆璵璠璆

宗正卿生元誠元濟元賁元曾元誠生彤澧州刺史

元曾吏部郎中珙光祿卿生元方元志玠尚書右丞
生元甫元懌元甫尚書右丞揚府長史生悅長安令
元懌生愐巴州刺史德基金部郎中生延安球延安
鄂州刺史球生之晉之晉湖南觀察使生祐文傑孫
玠榮州刺史玠生徽金部員外道入山東類例顯孫
謩普安公謩生士讓雍州別駕祖歡曾孫世師唐博
州刺史生太真戶部侍郎太真生瓊之修業瓊之考
功郎中修業水部員外世師少子崇操生月將晶忠

晶眉州刺史忠普州刺史逍遙公從父義弟遠周雍
州刺史弟暉業繼為雍州號大雍州房小雍州房大
雍州房義遠生祖宙祖霽霽生儼傑倫傑生思敬思
正思安思敬孫利器諫議大夫利賓戶部郎中生向
工部員外向生彭壽右司員外明州刺史三代入省
利涉主爵郎中思正生璉深州刺史思安駙馬嵐州
刺史曾孫騰同州刺史倫生暉度支郎中小雍州房
暉業曾孫敦禮監察御史穆九代孫南皮公瓚隋尚

書右丞生叔諧季武叔謙叔諧庫部郎中生元福元

獎元福判兵部員外生湊河南尹湊生見素左相左

僕射幽忠真公見素生倜諤益哲

案唐世系表哲作哲

倜給事

中御史中丞生頌庫部郎中諤給事中益工部員外

六代入省哲光祿少卿元獎生光乘朔方節度光乘

生儼倫

案唐世系表倫作儼

儼江西觀察生良放倫太常少

卿太子少保生敦徵儼衛尉少卿生正己季武主爵

員外叔謙考功郎中生知人庫部員外知人生維續

縱紹維戶部郎中庶子生虛心虛舟虛心工部尚書
生有方左司員外五代入省虛舟刑部侍郎縱生虛
受昭理虛受通州刺史昭理常州刺史鎮生幼成幼
卿幼章幼竒幼成武部郎中漢中太守山南採訪使
幼章楚州刺史幼卿生雄雄生誦紹改名綱比部員
外生傳詔再從孫清左金吾將軍生正牧楚牧瓚堂
孫元泰度支郎中陝州刺史生光堅光資州刺史堅
生信

案唐世系
表信作信

舒州刺史瓚從祖弟子述述曾孫鑑

案唐世系
表鑑作鑑

考功郎中生少遊少華少遊吏部郎中少

華中書舍人少遊生復建州刺史瓚四代孫宏獻刑
部郎中郿城公穆八代孫郿城公元禮隋司農少卿
生孝恪侍御史孝恪生宏楷宏楷出為饒
州刺史宏機司農卿生餘慶餘慶生岳子景駿景林
岳子峽州刺史生晉恒漸賁損益豐恒兵部郎中華
州刺史賁藍田尉生聿暈聿肇聿比部郎中右庶子
暈屯田員外聿太尉中書令劒南節度南康王生行

立工部員外肇兼御史大夫損職方郎中潤州刺史
生彝昇景駿房州刺史生述迪起巡冰述工部
侍郎撰國史集賢學士禮儀使生州平都賓州平水
部郎中都賓太常博士迪戶部員外生宅相夏有啓
強嬰齊栢居夏有考功郎中嬰齊衛尉卿水一名達
生渠牟太常卿景林生成工部郎中咸生覃楚州刺
史覃生閔共閔次子秦寶生邕邕彭城公房生澄淹
案唐世系表東菴帝氏穆曾孫楷晉長樂清河二郡
守生達慕容垂大長秋卿生閔避地薊城後魏太武

召為咸陽太守子孫因自別為閩公房二子範道珍
道珍字泰寶後魏咸遠將軍扶風馮翊二郡太守生
邕著作郎諫議大夫生鴻胥二子澄淹因
號彭城公房此作軍生閩邕生澄俱悞 澄國子祭

酒彭城公生慶嗣慶植慶基慶兢慶祚慶暕慶嗣生

正紀正履正矩正紀工部員外正履曾孫彪永州刺史

彤太常博士正矩駙馬都尉慶植倉部郎中生璠珣

珽珽璠璠駕部員外生鈞鉉鉉虞部郎中生瑩司門郎

中珣生銑給事中揚府長史曾孫宥

案唐世系表曾孫作五代孫

台州刺史珽閩州刺史生鎬鳳州刺史項宗正卿生

鐵太僕卿駙馬都尉生友信友剛友順友信婺州刺

史生縝綬綬屯田郎中友剛漳州刺史慶基兵部郎

中生錫台州刺史兢庫部郎中生巨山巨山生元旦元

晁元晨元旦中書舍人元晁司勳員外元晨殿中御

史生涵登涵生顥洋州刺史登生萬順俛顥萬忠州

刺史慶祚生行詳行誠行全

案唐世系表慶祚生顥
顥生行詳等此作慶祚

生行詳中
缺一代

行詳孫幹太子詹事行誠曾孫公右昭應

令公右生及三原令行詮尚書右丞生良宰利見利

見廣府節度生明辰

案唐世系表明辰作明宸

劍州刺史慶陳戶

部員外生昇澤州刺史澄弟淹不仕生雲起雲表雲

平雲起益州行臺兵部尚書司農卿生師寶虞部郎

中師寶生方質方直方質地官尚書平章事孫岷蓬

州刺史方直兵部郎中雲表工部郎中雲平度支郎

中生師貞師貞生元晟元珪元晟綿州刺史生汪岷

州刺史元珪宗正卿生堅蘭芝堅刑部尚書生誕果

州刺史蘭將作少監芝兵部員外穆八代孫延賓生

璋福議璋孫爰生元郁

案唐世系表郁作都

元諤元誕郁生璿

職方郎中諤生嬰顗嬰左金吾將軍顗太子僕元誕

生瑗瑒瑗司勳郎中瑒宗正少卿福孫昌左驍衛大

將軍普安公議生宏慶宏度宏表宏素宏慶生元希

元瑾元希生濯濯

案唐世系表濯作淮

濯光祿少卿曹國公濯

駙馬太僕生會贊善大夫會生鸛鸛元瑾生涉太

僕少卿宏度孫淑衛尉少卿淑生藏鋒宏表生元儼

元貞元儼工部郎中生濯溫滑濯生構播構太僕少

卿魯公播吏部郎中宋公溫禮部尚書平章事太子
少保曹公湑太僕卿生捷秘書少監駙馬都尉元貞
蔡州刺史女為中宗皇后廢為庶人生洵浩洞沘宏
素生元昭元昭生濬衛尉少卿

襄陽東眷穆元孫華隨宋武過江居襄陽縣祖歸
生纂閩叡叡生放政放生榮政生昂載前史並有傳
纂曾孫宏瑗生德倫知止德倫任邱令生仁慎仁約

納言博昌男生承慶

案唐世系表德倫生
思謙思謙生承慶

嗣立淑承

慶鳳閣侍郎平章事扶陽子生晉長裕晉常州刺史

長裕祠部員外嗣立中書令逍遙孝公生子恒濟孚

孚右司員外恒給事中陳留採訪使濟戶部侍郎生

逢士模

案唐世系表
士模作士樸

士勛與函逢虞部員外生貞伯

成季貞伯給事中成季兵部郎中士模彭州刺史士

勛河南少尹函邵州刺史淑安州都督仁慎駕部郎

中生奉先金部郎中奉先生濬梓州刺史知止庫部

郎中孫嗣業生希損希生明

案唐世系
表明作朗

損生常

京兆諸房韋氏 主客郎中韋弼稱東眷龍門公房

弼生伯陽季莊叔將伯陽倉部郎中生建迨造建太

子詹事致仕迨韶州刺史生夏卿周卿正卿正卿生

珩瓊季莊扶風太守孫宗卿出繼堂伯建戶部員外

叔將蔡州刺史弼兄會生仲昌叔昂伯詳度支郎中

京兆尹生漸萼

案唐世系表仲昌京兆尹生漸萼此度支郎上脫仲昌二字

萼巴

州刺史生執中執誼執中泉州刺史執誼尚書左丞

平章事叔昂右司郎中生汎汎生萬伯詳考功郎中

蓬州刺史韋志檢稱閭後兄子趙賓秦州都督監察
御史韋務靖稱東眷今占韋城五代祖或高祖珍後
魏附傳靖兄子光業光州刺史生南金兗州都督金
孫說賀州刺史職方員外韋密占積泉唐南寧州都
督韋仁肅稱西眷照平齊公同承策壽堂兄

案此下有脫文

曾孫光朝萬年令生曾舒州刺史職方員外宏仁稱
東眷郿城公同承頤宏仁兄宏道五代孫昌著作郎
生兢京兆府法曹著作郎韋安仁祖翽陳書有傳稱

東眷居襄州代仕江左今無聞

延陵 元成九代孫昭吳侍中裔孫齊中書侍郎遵

唐蘭陵令生元靜其延陵諸韋並云承侍中昭

斐

左傳有斐豹漢有斐禹

案姓纂引左傳斐豹正與廣韻注同知今本作斐字誤也

非

風俗通云秦非子之後

肥

戰國時趙賢人義之後風俗通云漢有黥布將肥銖
又仁恕掾肥親

賁

漢功臣表賁赫擊黥布及平封其恩侯

案賁赫漢表
作期思康侯

幾

風俗通宋大夫仲幾之後以王父字為氏

幾

後魏官氏志侯幾氏改為幾氏

歸

左傳胡子國歸姓為楚所滅子孫姓歸氏其後世居

吳郡

吳郡 唐工部尚書歸崇敬生登工部侍郎生融刑

部尚書

微生

論語微生畝魯武城人也又微生高或云尾生也

飛廉

風俗通飛廉國秦所滅因氏焉漢書光祿大夫飛廉
安國

圍龜

楚大夫鬬圍龜之後

九魚

魚

風俗通宋桓公子目夷字子魚子孫以王父字為氏
漢有長安人魚翁倣也

馮翊下邳 符秦有魚遵元孫經後魏吏部尚書生
徽俊代畧俊生備隋高唐公生俱羅隋安州刺史高
唐公生懷節讓儼世畧後魏雍州刺史梁泉公生叔
攢唐將作丞生眙眙度支郎中司農少卿也

徐

顓頊之後嬴姓伯益之子夏時受封於徐至偃王為
楚所滅以國為氏漢有河南太守徐守徐明又有徐
儉

東海鄭州 自明居五代孫寧過江東生祚之生欽

之美之

案唐世系表美之作美之

美之宋司徒欽之生達之宋沛

郡太守尚武帝女會稽公主生湛之司徒生聿之

案唐

世系表湛之二子恒之聿之恒之生孝嗣此聿之下脫去恒之恒之生五字

孝嗣齊尚書

令太尉生侃

案唐世系表侃作侃

梁侍中生君游君舊君敷君

游生澄

案唐世系表澄作澈

澄生文遠唐國子博士生士安生

有功有忠有功右司郎中大理少卿生倫邠王

案唐世系

表邠王作岐慶二王

司馬生蛟光祿少卿安定太守生濤檢校

員外郎有忠濮陽令生渾吏部員外襄陳留太守採
訪使君敷曾孫筠唐禮部侍郎右常侍生皎昭昕皎
生誦謚誦許州牧生儀向儀祠部郎生雅榮榮檢校
戶部郎中兼御史中丞向司勳員外陳宋荊州刺史
謚孫摯昭虞部郎中生孟嘗越相二州刺史致仕昕
萬年令生琇冀州刺史生縝兵部郎中諫議大夫生
縝宏毅縝朗州刺史宏毅侍御史儉孫充充次子機
生韜韜生逸監逸元孫超之生槁梁左衛將軍生陵

孝克陵陳尚書僕射生儉份儉右軍將軍生德言陳
太子舍人隋蒲州司功份陳中書舍人生令言唐中
書舍人生茂宏孝克陳都官尚書隋國子博士監元
孫融南昌令生勉梁尚書僕射居相位二十年生彝
倫式序生山松忤矩按矩下款脫權字忤晉安內使矩度支
尚書權後梁右僕射孫瑜生元度唐弋陽令

東陽 偃王之後漢徐衡徙高平孫饒又徙東陽七
代至融融五代孫之才之範並北齊有傳繼封西陽

王之才官至尚書令孫師順唐勝州總管高平公之
範孫仲宗衛尉大卿任城公生慶祚慶右司郎中祚
度支郎中

東莞姑幕 漢費封東莞侯因家焉晉有邈廣子孫
無聞

高平 山陽縣今隸兗州後漢徐範生仲長避難山
陽居焉北齊徐遠仲長之後官至西兗州刺史新陽
王生榮孫太元唐倉部郎中

長城 與有功同承寧寧曾孫廣之晉吳興太守因
居長城八代孫孝德唐水部郎中生齊冊西臺舍人
生堅中書舍人刑禮黃門三侍郎左右常侍東海文
公生峻嶠峻金部郎中生旻駕部員外嶠中書舍人
河南少尹生曇暈自孝德至旻五代入省自齊冊至
嶠三代中書舍人

琅瑯 晉僕射宣之後宋有徐爰

濮陽 偃王之後今無聞

於潛 偃王之後為杭州望族

新豐 本出高平徐範之後西魏度支尚書金鄉男
徐招有傳云父微自高平從魏孝武入關始居新豐
招生會實雲孫仁軌龔州刺史會生正則眉州刺史
實生莊銀州刺史生元揮都官郎中

瑕邱 北齊徐州治中狀稱本高平人世居瑕邱曾
孫仁會高郵令生彥伯給事中工部侍郎右常侍太
子賓客生鐫鏐洛陽令司封郎中

諸郡徐氏 戶部侍郎徐知世居柳城生抗揖抗醴
泉令揖檢校員外生放屯田員外台州刺史范陽節
度徐歸道居范陽生濟洛州刺史生復俊復祠部郎
中俊比部郎中諫議大夫徐元之居南昌又生申嶺
南節度兼御史大夫元弼中書侍郎徐安貞居衢州
龍邱諫議大夫徐瑩刑部員外徐履道生蕃洛州刺
史徐嶠之居會稽生浩浚漪浩吏部郎東海郡公有
傳生璿現玫瑰現沁州刺史浚生璿項璿都官郎中

項渭南領軍瑒閬州刺史

閭

齊大夫閭邱嬰之後或單姓閭氏

頓邱 鄴中記有閭澄王僧孺百家譜琅邪王緒娶
頓邱閭澄女河內荀元安娶頓邱閭法興女唐朝左
補闕閭知微

三原 唐蜀州司馬閭邱珣上元中准制改姓閭氏
生曇曇倉部郎中

代郡 後魏征西將軍閭毗本蠕蠕來降

舒

風俗通云舒予之後以國為姓

案即春秋羣舒
舒鳩舒蓼之後

居

晉大夫先且居之後以王父字為氏漢來城侯居般

渠

周大夫渠伯之後衛有渠孔漢渠叅封贊侯

遽

渠音

衛大夫遽瑗字伯玉之後漢大行令遽正

余

見姓苑

新安 風俗通云余子之後以國為姓

餘

晉有餘顧著複姓錄本出傳氏按世本韓宣子之後有韓餘氏又英賢傳

云傳說子孫留傳巖者為傳餘氏然則餘之所出傳與韓未可定也前燕有餘元餘和

並鮮卑種類案北史百濟王姓餘氏

元和姓纂

三

輿

自云周大夫伯輿之後以王父字為氏

河南官氏志莫輿氏改為輿氏後魏有輿珍見賀

拔勝傳

胥

晉大夫胥臣之後有胥克胥梁胥帶胥午胥童

瑯瑯姓苑云瑯瑯有胥氏

䟽

東海 漢太子太傅疏廣廣兄子受世為太傅

樗

史記秦國相樗里子之後名疾

儲

後漢儲太伯又富人儲姥王莽亂以五百人據大庾
嶺開元汜水尉儲光羲潤州人生石石生燕客燕客
生嗣宗校書郎生隱檢校郎中

如

桓譚新論有通人如子禮漢書長安富人如氏也

馮翊 魏陳郡如淳注漢書

河南 官氏志如羅氏改為如大歷有右羽林將軍

如元擢

沮

音菹

黃帝史官沮誦之後

廣平 魏志袁尚謀臣沮授前燕中常侍沮皓

魚孫

風俗通宋大夫魚石奔楚在國者因氏焉

北海 漢有魚孫登仕北海相孫靜琅琊相生欽有

孝行曾孫晦北海太守後漢宏農太守魚孫和生瑜

魏雍州刺史瑜生瑋晉濟南太守下邳太守生平原

太守生翹清河太守生邈之居京兆口東莞太守

案此

條有
脫文

諸葛

諸葛氏夏殷侯國葛伯之後英賢傳云舊居琅琊諸

縣後徙陽都先有唐葛時人謂之諸葛氏因氏焉風俗通云葛伯嬰為陳涉將軍有功非罪而誅漢文追封子孫為諸縣侯因以為氏世本云有熊氏之後為

唐葛氏齊人語訛以唐葛為諸葛氏

案孔平仲雜記諸葛氏以諸縣

之葛徙陽都因加諸字以別於陽都葛氏

琅邪陽都縣漢司隸校尉諸葛

豐裔孫圭後漢太山郡丞生瑾亮瑾吳大將軍左都護宛陵侯生恪喬恪中書令揚州牧喬生攀翊武將軍生顯徙河東亮蜀丞相武鄉侯生瞻蜀尚書僕射

瞻生京晉江州刺史與顥並徙河東亮族弟誕魏司
空兗州刺史生靚奔吳為大司馬靚生恢東晉左僕
射尚書令生彪梁有陵零太守諸葛銓居丹陽生穎
止齊太子舍人隋著作郎穎生會唐有諸葛茂道

諸梁

楚文子食邑諸梁因氏焉

閭邱

世本齊閭邱產生嬰嬰生歐歐生莖莖生施

齊郡 左傳嬰明及閭邱息並齊宣王時閭邱卬閭邱光漢有廷尉閭邱勲漢太常閭邱遵有閭邱決著書十二篇晉有太常閭邱冲南陽太守閭邱羨土又家漢州

沮渠

本臨松盧水人先為匈奴官號沮渠因氏焉吳有沮渠萬為張掖王晉末沮渠蒙遜僭稱西河王號涼都張掖二主三十九年為後魏所滅

渠邱

風俗通莒有渠邱公因氏焉

彭城 英賢傳云彭城有渠邱氏焉

渠複

漢武時屬國首帥渠複累封毘侯傳子絕

於陵

風俗通云陳仲子齊世家也辭爵灌園於於陵子孫

氏焉

於邱

其先家於邱因氏焉漢有宛句人於邱略

舒鮑

世本偃姓國也晉悼公子舒鮑無終

舒堅

潛夫論楚公族有舒堅文叔為大夫

舒鳩

左傳少昊氏官名國于濟北以國氏焉

按舒鳩楚屬國左傳少皞

五鳩氏無
舒鳩悞

余邱

齊公族食采余邱因氏焉漢有侍御史余邱炳又隱
士余邱靈居曲河

茹茹

其先蠕茹茹種類為突厥所破歸中國後魏蔚州刺
史高平公茹茹敦思周寧州刺史洋公生師寶海賓
師寶隋騎大將軍安次公生盛壽海賓唐右屯衛大

將軍

樗里

見英賢傳

濟南 晉有樗里璠著春秋土地記三卷

徐吾

左傳鄭大夫徐吾犯之後

徐盧

漢景帝時匈奴徐盧庸來降

如嵇

改為綾氏

案魏官氏志作綾氏此悞

十虞

虞

虞有天下號曰虞子商均因以為氏又武王封虞仲於河東亦為虞氏會稽餘姚人趙相虞卿秦有虞香香十四代孫意自東郡徙餘姚五代孫歆歆生翻翻曾孫驤驤七代孫荔荔子世南唐秦府學士秘書監

永興公生昶工部侍郎生茂世孫遜郎中歷沔州刺史云荔之後

濟陽 狀云逸人虞仲之後

靈武回樂 狀云本自會稽徙焉後周有沁源公虞詳生慶則隋右僕射魯公孫操唐長江令

于

周武王第二子邶叔子孫以國為氏後去邑為于

案淳

于氏唐避憲宗諱亦為于氏

東海 漢有于公生丞相西平公定國生永御史大夫魏有將軍于禁唐中書舍人于季子今居齊郡歷城姪儒卿

河南 洛陽後魏書官氏志勿紉按紉當作紐字于氏改姓

于魏書新安公于栗磾生洛拔尚書令生烈勁天恩

烈勁殿中尚書中書令

案北魏書洛拔六子烈敦果勁洎天恩烈殿中尚書勁定

州刺史此以烈勁為一人誤

天恩生曾尚書生提

按北魏書天恩生仁仁生子安

子安生子提子提生謹與此不合

京兆提生謹從西魏孝武帝入關

周文帝下令應從入關并為京兆長安人太師柱國

燕文公生實翼義智紹弼簡

按唐世系表燕文公九子實翼義智紹弼簡禮

廣此闕二人

實周司空固安公

按唐世系表固安公當作燕安公號蘭陵院

生

顓仲文暉象賢顓隋黔州總管生虔

按唐世系表虔作世虔

哲

虔生儉左屯衛將軍哲亳州刺史仲文隋右翊

按翊下脫

衛字大將軍延壽公生禮部侍郎敏直

按唐世系表文生欽明欽明

生敏同敏直敏同生經野敏直生光運此脫

相州刺史生光運滁州刺史

暉孫敬之復州刺史象賢隋黔昌公生德基德威

按世

系表德威
作德成

德行德方德基生素倉部郎中德威生元

範敬同

案唐世系表敬同乃仲文之孫欽明之子

元範安州司功生汪汪

生公胄庭順庭誨庭謂慶可封公胄生頤頤庭誨生

顥天興令顥生畛庭謂生頤頤

按頤下疑脫頤字

頤工部尚

書太子少保生申廣輦申屯田員外頤生富平令

按唐

世系表頤生

瓊按瓊當係德基德威輩當吉州刺史孫今姓襄脫其所自

生頤頤頤戶

部郎中

按唐世系表作戶部侍郎

頤左僕射司空平章事燕公生

正方敏季友季友駙馬殿中少監可封國子司業敬

同生安仁江州刺史德行恒州刺史生元徹思言元

徹滄州刺史思言兵部郎中太府卿德方越州刺史

會昌男翼周常山公隋太尉生璽按唐世系表璽下脫銓一人筠

璽江陵總管黎陽公孫元嗣右金吾將軍銓按銓吏部下大

夫常山公原誤作曾孫瑾駕部郎中筠太僕卿元孫詮今從世系表

抱誠成州刺史生邵郢邵禮部侍郎太子賓客生按唐

世系表尚有汝錫允躬舉蕃人聞按唐世系表允躬作尹躬人聞作人

文允躬中書舍人洋州刺史舉蕃戶部侍郎人聞生

德孫晦

案唐世系表德晦乃郢之孫寮師之子

郢衛尉少卿生寮師雍

來義隋潼州總管建平公生宜道

按世系表作宣道宣敏無虎字宣敏

生志寧又按唐書志寧傳父宣道隋內史舍人世系表誤以志寧為宣敏子今從本傳改宣此作宜亦異

亮宜道生永寧志寧保寧永寧商州刺史生遂古隰

州刺史志寧左僕射太子太師燕公生立政慎言立

政吏部郎中太僕少卿生游藝辯機光遠大猷游藝

生伯獻涼州都督辯機揚州長史左庶子常絳二州

刺史光遠職方郎中大猷隨州刺史慎言生安貞吳

興令安貞生仙鼎默成仙鼎沁州刺史默成沛令默

成生嘉祥休徵休烈烈太常卿工部尚書東海公生

益肅益諫議大夫肅給事中肅生教監察御史教生

球珪環

按唐世系表環下尚有珪此脫

琮保寧生丞範丞慶丞範平

州刺史魯孫結諫議大夫生亮亮生貴寧

按貴寧與六世祖同

名寧似有誤

主客員外郎平昌公生禮周趙州刺史安平

公禮周生武乾倉部郎中禮少子

按此處脫名

周華陽公

孫德秀彭州刺史提次子彪豐川公生寬隋右武將

軍清河公孫仁表兵部員外

江陵 狀稱定國之後自東海徙焉唐延州刺史子
俊生惟謙兵部侍郎平章事生光宰光弼光嗣光宰
都官郎中姪光偉光業光進

齊郡歷城 唐屯田郎中于利貞狀云本出東海

長安 唐右武侯大將軍于伯億狀云于禁之後居
京兆長安知機太僕少卿懷德公

須

風俗通太昊風姓須之後有須句國又殷有密須國
為氏魏有須賈平陸侯須無紹傳封四代

愚

愚公之後今無聞

禺

禺強之後出姓苑

芻

牛衰食芻

按牛衰見淮南子此作衰恐悞

改姓芻氏見姓苑

母

無音

母邱氏或為母氏開元右補闕母哭洛陽人一云吳

人

案急就章母
哭作母景

巫

風俗通云氏於事巫乙匠陶也殷有巫咸巫賢漢有

冀州刺史巫捷又有巫都著養性經

瞿

渠音

晉東海王越參軍瞿莊博陵人

受

尚書受斯舜臣名咎繇所讓共六人南朝嘉興受李

真

符

魯頃公孫公雅為秦符璽令因為氏

琅邪 漢有陳留相符季真元孫表後漢縣郡太守

光祿大夫符融

符

前秦主苻健本以有扈氏之後為啓所滅奔西戎代

為酋本姓蒲蒲洪以孫堅背上有草付文改為苻武

都

按蒲洪略陽臨渭氏人子苻健晉永和七年僭位都長安武都二字有脫文

苻堅生丕

堅孫登僭號長安自健至登五代為姚興所滅後周

襄州刺史龍居公苻猛臨渭人元孫遷敵唐金州刺

史苻子珪弟太子舍人璋

史

音俞

顓史風姓之後晉大夫史駢

俞

又吐淄反前趙劉聰中常侍俞容天后時俞文俊江

陵人

按列子有俞氏以醫著

扶

漢有廷尉扶嘉

河南官氏志云乞扶氏改為扶

俱

南京有鎮北將軍俱延開元國學士俱匡辟

朱

顓頊之後周封曹挾於邾為楚所滅子孫去邑以為氏一云舜臣朱彪之後齊有朱毛漢中邑侯朱進鄢陵侯朱濞

吳郡漢功臣有都昌侯朱軫至買臣會稽太守吳有將軍朱桓生異唐諫議大夫朱子奢云異之後

錢塘漢槐里侯朱雲之後八代孫至賓後漢光祿勳始居錢塘為著姓十代孫遜之齊吳平令生梁領

軍朱昇昇曾孫延慶唐倉部郎中也

沛國相縣 今有朱氏自云丹朱之後以王父名其

後

永城譙郡 唐正議大夫平章事朱敬則工部侍郎

義陽 漢有朱穆晉有朱序序孫循之也

丹陽 後漢司空朱浮晉有朱齡石中書舍人朱巨

川生宿右拾遺宿生賀

大康 後漢朱岑唐駕部郎中前疑其後也

河南 官氏志渴燭渾可朱渾氏並改為朱氏

虞邱

晉大夫虞邱書楚莊相虞邱子薦孫叔敖自代

趙郡 說苑云漢光祿大夫虞邱壽王漢書作吾邱

巫馬

史記巫馬施字子期魯人也仲尼弟子

巫咸

姬姓皐陶氏之後其國今舒州人

案其國今舒州人
六字當有脫誤

巫臣

晉大夫欒巫臣之後

案申公巫臣奔晉巫臣楚屈蕩之子屈申也晉無欒巫臣

無婁

莒大夫無婁務胡之後又無婁先生著書

琅邪 今琅邪有此姓

無圉

公羊楚大夫無圉之後

無鈞

潛夫論楚蚩冒生遂章為王子無鈎氏

無弋

秦厲公時羌人無弋爰劒之後今隴西人

毋將

見姓苑

東海蘭陵 漢南郡太守毋將隆本京兆尹執金吾

又毋將衣明易為豫章太守

毋終

左傳母終子喜父翟國君也因氏焉

案左傳作無終

須遂

左傳遂國在齊北有須遂氏

須昀

須昀楚賢人著書

須卜

改為卜氏

厨人

周禮厨人因官為氏


案周禮無此官厨人濮見左傳

邾婁

公羊邾婁子曹姓也子孫以國為氏

夫餘

風俗通吳公子夫槩王奔楚餘子在吳者因以為氏
馬百濟國王夫餘寬生璋號帶方郡王生義慈大唐
拜帶方郡王金紫光祿大夫貞觀入朝生隆熊州都
督隆生文宣司膳卿左衛大將軍樂浪郡公



元和姓纂卷二

欽定四庫全書

子部

元和姓纂卷

三四

詳校官中書臣金應珩

員外郎臣牛稔文覆勘

謄錄監生臣尹大謨

欽定四庫全書

元和姓纂卷三

上平聲模
韻至文韻

唐 林寶 撰

十一模

盧

姜姓齊太公之後至文公子高高孫僕食采於盧因
姓盧氏秦有博士盧敖漢有燕王綰沛人

范陽涿縣

後漢尚書慎

案漢有中郎盧植范陽人
此慎字疑即植字之訛

敖之後珽晉侍中生志中書監生謀司空從事中郎

四世有傳生諶二子勗偃

按後漢盧植子毓魏司空毓子欽晉衛將軍欽子淳

秘書監欽弟琬衛尉卿琬子志軍諮祭酒志子諶依劉琨為從事中郎姓纂云諶字誤也又諶之外有

諶諶之子勗偃

勗號南祖偃號北祖勗偃曾孫元生

遷

按唐世系表元生度世字子遷此作遷疑避唐諱

生四子陽烏敏昶尚之

又號四房偃中子昭昭元孫辯景裕景先兄弟三人

為魏周齊三國帝師

濮陽

狀云秘書監盧浮後魏許昌太守盧曾自陳

留徙濮陽又從孝武入關曾生怡周譙州刺史生士

謚士獻士良晉絳二州刺史生師直司僕少卿士宏
度友郎中趙州刺史

龍門 唐左常侍盧虔狀云偃子闡後又徙晉州子
從史

弋陽光山縣 唐瀛州刺史祖尚自云本范陽人本
姓雷氏後周初以雷盧聲相近改姓盧氏

三原 倉部郎中盧雲本姓閭氏均蜀州司馬上元
中准制改姓盧氏

胡

帝舜之後胡公封陳子孫以謚為姓

安定 漢有胡建始居焉後漢有太尉胡廣魏胡質

荊州刺史生威清州刺史平春侯又居淮南文

按文疑晉

字之誤晉胡奮安定臨涇人官至左僕射

左僕射胡奮石季龍入關與梁

皇甫韋杜牛辛皆以華胄不在戍役之限奮裔孫國

珍後魏司空女為宣武帝皇后生孝文帝珍兄真曹

孫延北齊太宰安平王女為武成帝皇后生後主緯

長安隴東王長懷長穆長洪長咸長興並封王洪子

文同武帝皇后生孝文帝珍兄真

按武帝至兄真十一字衍

唐綿

州萬安令

新蔡 胡奮之後今無聞

已上舊望

弋陽定城 唐刑部郎中胡元禮

義陽中州 唐鳳閣侍郎胡元範

洛陽 秘書少監胡皓稱洛陽人

鄆縣 刑部侍郎胡演

樂陵 兵部員外胡曼倩今大理少卿胡珣

恒山 代州總管定襄郡王胡大恩賜姓李氏

河東 開元中胡瑜弟瑱玘並舉進士瑜生諤瑱生諤大理評事諤右司郎中生澂湘洵潘潘生裳吉

河南 官氏志獻帝與鄰以無紇骨氏改為胡氏

按魏

書獻帝以兄紇骨氏改為胡氏無字應作兄字

吳

周太王子太伯仲雍封吳後為越所滅子孫以國為

氏季札之允居齊魯間

濮陽鄆城 漢有長沙吳王芮後漢有廣平侯吳漢
南陽宛人也桓帝時吳遵遵孫質質六代孫隱之晉
廣州刺史其先祖自濮陽過江居丹陽厯仕江左七
代孫景達唐尚藥奉御曾孫令珪贈太尉女即章敬
皇太后也珪子澈澄湊澈左金吾大將軍太子詹事
生士則士平士隣士矩士則伊闕令士矩京兆司錄
澄駙馬殿中監生士彥駙馬衛尉卿士彥生同正湊

京兆尹右金吾大將軍檢校刑部尚書生及大理評事果州刺史吳敬仲亦云隱之後孫訴侍御史訴孫損震諫議大夫和蕃使

渤海 芮後齊道州別駕安誕居鄴縣五世孫道師唐吏部侍郎孫納安州刺史又考功員外郎安慶亦稱渤海人

陳留 狀稱後漢河間相吳祐後隋有吳響生子臧見劉氏行年記臧曾孫競左庶子恒王傳

蘇

顗頊祝融之後陸終生昆吾封蘇鄴西蘇城是也蘇

忿生後至建生武嘉十二代孫則則次子遁八代孫

綽周度支尚書郢公生威隋左僕射房公生夔季

按唐

世系表李作季子

夔隋鴻臚少卿生勗勗駙馬吏部侍郎

秦府學士生均幹均虔州刺史生雋幹工部尚書生

獻駕部郎中勗生昱濟州刺史亶台州刺史生瓌琛

瓌侍中左僕射許文真公生頊冰詵又頊顏頊中書

侍郎平章事許文憲公生善善生易相易黃州刺史

生繫滁州刺史繫生贊贊生虔水虞部郎中國子司

業

按唐世系表米無所生
震乃虔之子此句應衍

生震吏部侍郎河南尹震

生敦發教徹皦政儼詵給事中徐州刺史又京兆尹

生復妙妙泉州刺史潁生盈炎盈嘉王傅顏淮安太

守左武衛將軍生寬琛廣州刺史生炯鍵鍵琅琊太

守又驍騎將軍季生澄沁州刺史澄生綰綰工部

郎中荆南府司馬則長子愉愉七代孫彤生雅振振

生世長唐秦府學士諫議大夫生良嗣右僕射溫公

生踐言踐峻踐義踐節踐言生務寂務昇峻生彥伯

駙馬

按脫都尉二字下駙馬亦脫都尉二字

兄子震駙馬義孫廉節曾

孫懷太府卿長從弟宣司農少卿

襄陽則曾孫佐晉末自扶風徙焉十二代孫權唐

左驍衛將軍

藍田稱自武功徙焉刑部尚書蘇洵生晉瞻瞻駕

部郎中生端平寧昶端比部郎中四代入省生宏

趙郡 狀稱蘇章之後因官趙州唐鳳閣侍郎味道
生佃份倜倜膳部員外倅職方郎中味道弟味元
膳部員外生倅倅生汭湯郴州刺史又工部侍郎蘇
弁狀云與良嗣同房弁兄袞冕冕生持滌持生循楨
滌兵部尚書襄州節度生粹冲冕撰會要三十卷

武昌興州 前燕有期彤侯青後魏鎮軍將軍五代
孫克忠越州長史又武衛大將軍荊國公宣方生慶
節

洛陽 蘓秦之後今無聞

河南蘓氏 後魏官氏志拔畧氏改為蘇氏後魏恒
州刺史蘇強孫武安袁州刺史生順孝慈順周眉州
刺史朝彤公生沙羅隋邛州刺史沙羅生康唐右武
衛將軍襄城男康生守忠守儉守忠駕部郎中孝慈
隋兵部尚書安平公生會昌比部郎中

蒲

風俗通有詹事蒲昌又有蒲遵晉書符洪傳云其先

居池上生蒲皆長三大因號蒲家遂以為氏後改為符也

烏

齊有烏餘烏枝鳴莒有烏存秦有烏獲

鄱陽 姓苑云今鄱陽有此姓

河南 代北人烏石蘭改姓烏兼御史大夫烏洽案韓

愈集及唐書俱作洽從父弟玼案唐書烏承玼官檢校殿中監此亦脫去

玼生重允今為河陽節度案韓愈集烏氏家廟碑承洽生重允與此不合

狐

周同姓居於戎太伯生突突生毛及偃毛生漆偃生射姑世為晉卿蜀有狐篤

屠

左傳晉大夫屠蒯禮記作杜蒯又屠羊說楚人晉將屠岸賈風俗通漢末有屠景先河東人

蘆

河南後魏官氏志莫蘆氏改為蘆或亦為蘆氏

壺

衛有壺黯漢諫議大夫壺遂列仙傳有壺公

吾

夏諸侯昆吾之後漢有廣陵令吾扈晉交州刺史吾

彥吳人

辜

今泉州晉安有此姓不詳所出

軒

纂要云人姓

芋

姓苑云沛人

胡母

齊宣王母弟封母鄉遠本胡公因曰胡母氏漢有太史胡母敬

泰山 漢景德博士胡母子都居齊治公羊春秋後漢執金吾胡母班晉河南令生輔之字彥國陳留太

守湘州刺史揚武將軍生謙之也

胡非

陳胡公後有公子非後子孫為胡非氏戰國有胡非子著書

胡掖

禿髮思復鞬娶胡掖氏生烏孤

呼延

匈奴四族有呼行氏入中國改為呼延氏

河南 前趙大司空鴈門公呼延翼女為劉元海后
七代孫叔歸上谷太守孫族潞州刺史曾孫呼延黃
河內令生昉昭曦皓

呼母

漢武帝時匈奴王呼母盧降封容城侯封三代

呼衍

後漢書匈奴四族有呼衍氏見匈奴傳

蘇農

西蕃突騎施酋也神龍右驍衛大將軍金滿州都督

張掖公蘇農金山開元左羽衛大將軍永壽郡王蘇

農輔國左金吾大將軍酒泉公蘇農盡忠

按此皆沙陀氏之人

此俱改為蘇農氏考貞觀中有蘇農泥孰左屯衛大將軍穀州刺史亦北蕃歸化者

蒲盧

姜姓有蒲盧胥齊人善弋射

蒲姑

左傳蒲姑殷諸侯居齊也

蒲圃

魯大夫以地為姓

屠羊

韓詩內傳楚大夫屠羊說

按此又以屠羊為複姓
與前屠姓註自相矛盾

屠住

英賢傳芊姓楚公子屠食采於住鄉因氏焉

盧蒲

左傳齊有盧蒲就又有盧蒲癸盧蒲嬰

吾邱

呂氏春秋中山有力者吾邱象

趙郡 漢書吾邱壽王見上

壺邱

列子師壺邱子林鄭人漢書壺邱子著書五篇

下邳 今下邳有壺邱氏

徒人

左傳齊有徒人費又國語齊有徒人回

孤邱

晉大夫孤邱林之後見世本英賢傳出自孤邱封人
之後

姑布

趙簡子時姑布子卿善相見史記相襄子者

烏闌

改為烏氏

烏石蘭

改為石氏

烏那羅

北齊有烏那羅受九代

案此下當有脫文

烏洛蘭

改為蘭氏

十二齊

齊

炎帝姜姓之後太公望子牙封營邱為齊國因氏焉

又衛大夫齊惡齊豹亦為齊氏戰國時齊明周人也
漢有光祿大夫晉功臣表平敬侯齊受傳封四代晉
有齊恭注漢書又有齊萬年前涼有後將軍齊肅前
秦左僕射齊難

高陽 狀稱齊受之後世居高陽晉有武邑侯齊琰
次子健健裔孫處中唐中書舍人生珣

中山深澤縣 稱琰少子粹居中山元孫虔唐光州
刺史生知元知元生令令生澣澣吏部侍郎左龍武

兵曹生抗中書侍郎平章事抗生餽戶部郎中生摠

衢州刺史

案唐世系表潯生餽及珣餽官左龍武倉曹參軍生抗抗生餽珣官吏部郎中生摠

衢州刺史此本左龍武兵曹上脫生餽二字戶部郎中上脫珣一字權德輿集有抗碑亦同

成都 狀云齊受之後唐黃門侍郎璿生景胄左丞

刑部侍郎

河間 狀稱琰中子澄自高陽居河間六代孫肅暕

唐虞部郎中生說檢校員外郎悅生猗暢給事中平

章事江西觀察使齊映狀云代居瀛州兄昭皎弟皞

照煦昭兼殿中侍御史生孝若大理正皎澤州刺史
皞京兆司錄照倉部郎中池州刺史

清河 唐冀州總管齊若行狀云齊受之後

黎

周時候國風俗通云九黎之後尚書西伯戡黎亦見
毛詩左傳齊大夫黎彌且字亦作犁

宋城 唐右拾遺犁昕洛陽尉黎迴愛州人京兆尹
黎幹生烱炬常燧媚煩媚生植右常侍也

河南 官氏志業黎氏改為黎氏

稽

黃帝臣大山稽之後風俗通云稽黃秦賢人

嵇

夏少康封少子季杵於會稽漢初徙譙嵇山改為嵇氏

譙郡鉅縣 後漢太子舍人嵇蕃字茂齊生舍廣州

刺史武昌生康魏中散大夫生紹晉侍中

案晉書嵇康本傳具

先姓奚會稽上虞人以避怨徙譙有嵇山家於其側
因而命氏又嵇含傳祖喜徐州刺史父蕃太子舍人
又文選註嵇紹集曰從兄太子舍人蕃字茂齊然則
蕃於康乃其羣從非祖孫也又嵇康詩母兄鞠育有
慈無威則康乃少孤為其兄公穆所育文選註引嵇
氏譜亦不詳康父武昌生康疑有脫悞亦不知何據

河南 後魏官氏志紀奚氏改為嵇氏

奚

夏車正奚仲之後漢功臣表魯侯奚涓

北海 奚涓之後吳有臨海太守奚熙

廣陵 奚涓之後唐滁州刺史奚凌澤生千栢栢生

陟吏部侍郎

鞮

風俗通云晉銅鞮伯華之後氏焉

蹄

音蹄

今同州澄城縣多此姓自云銅鞮氏避仇改焉亦單

姓蹄

案廣韻無此字惟字典音提註云姓也今附入齊韻

兒

卿卿黎來之後亦為兒氏兒良六國時人見呂氏春

秋

千乘 漢有御史大夫兒寬

倪

邾武公封次子於鄆是為小邾後失國子孫為邾氏

避仇改為倪

案世本云邾顏居邾肥徙鄆宋仲子註云邾顏別封小子肥於鄆為小邾子則

顏是邾君肥始封鄆杜譜云小邾邾俠之後也夷父顏有功於周其子友別封為附庸居鄆曾孫犁來始見春秋附從齊桓以尊周室命為小邾子穆公之孫惠公以下春秋後六世而楚滅之世本言肥杜譜言友當是一人姓纂前以鄆犁來為兒氏之祖而以邾武公之鄉為倪氏之祖同一鄉也強為分別武公之

號於傳無徵疑即公
羊傳所稱顏公者 漢有揚州刺史倪彥

中山 唐刑部侍郎倪若水中山藁城人也

西

姓苑云西門豹之後改為西氏

犀

史記秦有犀首

鮭

中山 後漢有鮭陽鴻為少府傳孟氏易

南陽涪陽 後漢大鴻臚鮭丹

蜀

反下圭

見纂要

毒

反下圭

見纂要

嵐

反下圭

見纂要云人姓

按集韻注姓也一曰蜀閬梁四公子名或作嵐毒

齊李

齊襄公子季奔楚因氏焉魯有大夫齊禿窺見世本
西方

見姓苑云少昊金天氏位主西方今因氏焉

北平 前燕慕容廆以西方武為股肱又西方固以
文章知名

西門

鄭大夫居西門因氏焉列子有西門子魏文侯時西
門豹為鄴令漢王莽時有道士西門思洞仙傳有西

門惠

按漢書王莽傳道士西門君惠無名思者此又分思惠為兩人唐宦官有西門思恭

西乞

秦將軍百里術字西乞其孫以王父字為氏

按術不姓百里

西鉏

左傳宋大夫西鉏吾漢有御史西鉏語見英賢傳

西申

瑞應圖周成王時西申國獻鳳留中因氏焉

西陵

世本春秋時有大夫西陵羔

西周

周末分為東西二周各以為氏

西宮

人姓未詳

十四皆

淮夷

周有淮夷小國後世氏焉

十七真

真

風俗通云漢有太尉長史真祐

陳

媯姓舜後胡公滿受封於陳後為楚所滅以國為氏
秦有陳涉陳嬰漢丞相曲逆侯陳平也

長城 諶曾孫準晉太尉廣陵公陳武帝稱準後孫
達晉長城令因居之九代孫文瓚瓚生茂先茂先梁

右衛率生文帝頊

按陳本紀文帝諱禧宣帝諱頊文應作宣

禧頊生後主叔

寶四帝三十四年為隋所滅武帝霸先生衡陽王昌

昌生德會梁州刺史文帝生伯山伯固伯仁伯義伯

謀宣帝生叔寶叔英叔卿叔明叔堅叔武叔寶生允

深莊蕃蕃唐忠州刺史豫章王叔英生宏徽宏曾孫

履華州夔州刺史

案唐世系表履華夏州刺史此作履華州夔州刺史不合

徽生

元凱申州刺史建安王叔卿孫正循王傳宜都王叔

明孫繹宏繹侍御史宏荊州

按唐世系表荊州作邢州

刺史義陽

王叔達唐侍郎禮部尚書江忠公生政德元德賢德

紹德政德曾孫義少府少監元德生仲方順州刺史

賢德水部郎中汾州刺史紹德曾孫蓋屋縣令

按唐世系

表紹德孫復蓋屋令此作紹德曾孫蓋屋令而無名曾字衍孫字下脫復字叔武光祿少

卿

廣陵胡公之後漢末魯相

失名

無子以外孫劉矯為

嗣魏司徒東鄉侯生騫晉太尉

汝南胡公之後漢太傅陳蕃尚書令

下邳 淮浦人後漢太尉陳球球弟子珪沛國相生
登

東海 胡公之後晉有衛武貞侯陳壽

京兆 胡公之後唐揚州長史陳敬之狀稱太邱長
仲弓裔孫默徙長安即敬之高祖也生思齊主客員
外婺州刺史敬之從父弟騫之湖州刺史生崇禮九
言崇禮水部員外嘉州刺史九言右司員外

河東桑泉 後魏征南將軍許昌公琬元孫述生元

盛毓元盛孫正觀潞襄二州刺史藝生義方禮部侍郎知吏部選毓字大德職方郎中荔州刺史

新安後周熊州刺史許昌公琬之後曾孫義感唐右司郎中號州刺史

馮翊狀稱陳宣帝子沅陵王叔興之後唐倉部郎中惠滿生任刑部郎中

廬江襄安人隋廣陵太守陳稜孫崇業唐御史大夫生琨琨生熊熊生審明州刺史

武當 狀云太邱之後開元左太子太師希烈世居
均州右司郎中鴻臚大卿訥少府少監潤戶部郎中
泌秘書少監希烈兄振鷺司封郎中國子司業生泉
明州刺史

廣漢射洪 左拾遺子昂生光祠部員外

臨淮 右補闕陳兼生當長京歸當贊善大夫長京
兆法曹京給事中歸考功員外

會稽 太常博士陳齊卿堂弟景津生允叔允衆允

初允叔侍御史允初殿中侍御史

趙郡 檢校司徒平章事陳少遊稱宣帝後生正儀
廣宗 後魏瀛州刺史陳肅六代孫處政唐岳州刺
史

洛陽 夏官郎中冀州刺史璩生鉞鉞

萬年 隋利州總管陳永貴本姓白隋初改姓陳氏
獻隋驃騎將軍生貴貴次子諧諧孫令哲令英令哲
唐洮州刺史令英右衛將軍岐州刺史

諸郡陳氏 司農卿陳思門左豹韜將軍陳集原右
鷹揚將軍陳元光河中少尹兼御史中丞陳雄河東
人鳳州司馬陳懷古安陽人尚藥奉御陳行修江陵
人禮部員外郎陳讜言京兆人太常博士陳章甫江
陵人殿中侍御史陳憎河內人京兆功曹陳仲雍河
內人

河南 官氏志侯莫陳氏改為陳後魏汾州刺史長
蛇公陳紹生宏唐泉州刺史龍川公陳賀畧端州首

領也

秦

顓頊嬴姓秦後伯益裔孫非子周孝王封之秦隴西秦亭是也至始皇滅六國子嬰降漢子孫以國為氏又魯有秦董父生丕茲及秦祖秦冉秦非並仲尼弟子漢有潁川太守秦彭

太原 狀稱晉太常博士秦秀之後裔孫生行其行師行其渭州刺史曾孫守庫部郎中同州刺史生昌

舜行師右監門大將軍生無害桂州都督安南公也
齊郡 狀稱秦彭之後裔孫瑤之曾孫景通通子暄
並太子洗馬崇賢學士

鄜州洛川縣 唐瓜州刺史秦孝言狀云彭後生懷
洛相如懷洛兵部郎中相如吏部郎中

河內 武德狀云彭後唐金部郎中叔恂生善丕都
官員外郎

辛

姒姓夏后啟別封支子於莘莘辛相近遂為辛氏左

傳周太史辛甲

案劉向別錄云辛甲故殷之臣事紂去至周文王以為公卿而封其長子

漢藝文志道家有辛甲二十九篇又左傳有辛甲為太史命百官箴王闕者是也

辛伯辛俞

美為昭王友秦有將軍辛騰家中山苦陘曾孫蒲漢

有辛武賢

隴西狄道

辛蒲以名家漢初徙隴西至破羌將軍

武賢生慶忌左將軍光祿大夫常樂公五代孫孟興

二子恩殷恩生子馬子馬生寅裕元孫顏生猷懿猷

孫巨明後魏侍中生顯宗雍州刺史顯宗生元忠慶
之元忠青州刺史平陽伯生廸隋龍州刺史廸生德
本唐黃州刺史平桑公慶之周度支尚書秘書監魯

孫源

案唐世系表
源作道源

監察御史生思禮邵州刺史風元

孫義感駕部郎中懿生宗宗生安國季超安國曾孫
懋北齊都官尚書生文粲鳳州刺史季超孫豁生昂
政寬昂周潼州總管繁昌公政生肇肇生茂將右丞
侍中茂將生希業駕部郎中寬生諝中書舍人寅孫

晏次子遷六代孫彥隋禮部尚書任城公孫處儉處

仁處元處儉中允處仁生曜卿侍御史處元屯田郎

中裕五代孫晁生敬宗闡季恭敬宗曾孫術北齊吏

部尚書生衡虞

案唐世系表
衡虞作衡卿

唐太常丞衡虞生郁禮

部侍郎敬宗次子靈寶曾孫公義隋司隸大夫生亮

融亮唐侍御史融戶部員外郎闡元孫寶剛生興高

興生澄良澄生元慶元同元慶生怡諫職方員外郎

壽州刺史元同戶部員外郎良禮部侍郎生元道比

部郎中元道生廣嗣長儒廣嗣禮部侍郎生恒晉長
儒都官郎中生咸高曾孫利涉度支員外郎季恭曾
孫瑩生懸君昌懸生崇堦施州刺史君昌魏州刺史
生崇禮工部郎中崇敏兵部郎中崇禮生道瓘度支
郎中殷十代孫子馥生德源北齊中書舍人聘陳使
隋蜀王諮議孫元馭刑部郎中孫烈庫部員外郎子
馬少子胥十四代孫義元唐洛州司兵曾孫如璿遂
昌令生秘汝州刺史殷孫普後晉有侍郎勉七代孫

西魏五原公元孫瑜唐將作丞胥十代孫纂後魏西
荊州刺史弟蕃生子璣工部侍郎子璣生德璉唐隰
州溫泉丞天寶進士辛平生憚殿中侍御史大厯都
官郎中辛昇之訪未獲周河中總管宿國公辛威居
抱罕稱慶忌後孫宏亮右武衛大將軍堂弟有道秘
書郎唐右監門將軍辛萬福狀云與良同承晉侍中
爽福孫知微光祿少卿後魏扶風太守辛明狀云慶
忌之後曾孫文陵左武大將軍并洛二州長史長山

公孫嗣本左領將軍弟光嗣溫恭本生昱通事舍人

本姪巢父果州刺史生本姪萬年縣丞

案此有脫悞

金城

左衛郎中辛養代居蘭州

金城 狀慶忌後生懷節懷節生言都水使者言生

雲京雲果雲晁京昇雲京太原尹河東節度檢校右

僕射平章事金城郡王生浩液溶秘興州刺史雲果

湖南觀察兼御史大夫生晟太子中允雲晁京昇並

開府

藍田 唐庫部員外郎辛承業

天水 周有項亶賜姓辛氏生偃武唐洺州刺史生
義同屯田郎中

甄

虞舜陶甄河濱因以為氏或音堅漢末太保為中山

著姓

案漢有太保甄邯生豐為司徒此太保下脫邯名

唐廬陵令

案此有脫悞

中山 無極邯六代孫逸後漢上蔡令女為魏文帝

皇后生明帝後追封安城侯逸子嚴

案魏志嚴作儼

孫暢暢

生紹紹生述六代孫元成梁吏部尚書生詡詡曾孫
懷素唐廬陵令邯鄲孫頴頴元孫霞北齊將作大匠
曾孫元度唐常州長史頴孫凝凝生琛後魏吏部尚
書元孫善

濟北 稱邯後自中山徙焉至鴻為扶溝令又居許
州生權立言權有文學隋朝散大夫立言員外散騎
常侍

河南 官氏志郁原甄氏改為甄氏

申

姜姓炎帝四嶽之後封於申號申伯周宣王元舅也

時有申公巫臣申包胥申亥韓有申不害著漢書

案阮

孝緒七略不害著申子三篇此漢書字誤

漢有申廵石趙有申鍾為司徒

魏郡

申鍾後為著姓裔孫徽後周北海公生靖柳

國公生寧唐考功員外郎

丹陽 狀稱申不害之後陳有南徐州申愚愚八代

孫堂構唐虞部員外生稷

仁

姓苑云彭城人

神

風俗通云神農氏之後漢有騎都尉神曜

琅琊 姓苑云今琅琊有神氏

新

出自荀氏新稚穆子之後別為新氏

董

魯大夫堇父之後生丕茲

賓

左傳齊大夫賓須無周賓起為王子朝傅

頻

風俗通云漢有酒泉太守頻暢

邠

周太王居邠支孫氏焉

茵

姓苑云人姓

申屠

周幽王后申氏兄申侯之後支孫居安定屠原因以
為氏一說云申徒狄夏賢人後音轉改為申屠氏或
云申屠楚官號也

梁國 漢丞相故安侯申屠嘉扶風茂陵人七代孫
剛後漢太中大夫尚書令

陳留 後漢徵士申屠蟠字子龍地官郎中秘書少

監申屠瑒

申徒

風俗通云本申屠氏隨音改為申徒尸子云狄夏賢也湯以天下讓狄以不義聞已自投於河莊子申徒嘉兀者鄭人也漢有西屏將軍申徒建

申鮮

左傳齊有申鮮虞漢有中謁者申鮮漁

辛相

英賢傳楚大夫辛相之後漢有河間相辛相通

賓牟

禮記魯有賓牟賈孔子時人

十八諄

荀

周文王第十七子邠侯之後去邑為荀晉有林父生

庚裔孫況

潁川 潁陰人也況十一代孫遂遂子淑字季和生

儉緄靖璉號八龍

按荀彧子八人張璠漢紀曰儉緄靖璉說爽肅粵此脫四人

儉生

悅緄生或或生惲顯侯祭

按或謚敬侯子惲嗣侯官至虎賁中郎將此顯侯祭三字

有脫誤

爽曾孫勗勗生藩藩生邃歷漢魏晉位並高或

元孫崧晉錄尚書生羨徐州刺史開元有郿縣尉荀

軻許州人云或後姪尚書工部員外

案此下有脫名

郿

周文王第十七子郿侯之後

鈞

風俗通楚大夫元鈞之後漢有御史鈞喜

春

風俗通云楚相黃歇號春申君子孫氏焉

淳于

風俗通曰春秋時小國也一號州淳于公元和初避

上嫌名改于氏

濟北 始皇時博士淳于越史記太倉公者善醫臨

淄人姓淳于名意又有扶風衛尉定陵侯淳于長後

漢有侍中淳于泰晉有淳于智善易為司馬都督
唐登州判官巢國公淳于難以本州歸國

會稽上虞 列仙傳有淳于斟字叔孫

十九臻

莘

夏后啟支子封莘因氏馬音轉為辛

二十文

文

風俗通云周文王支孫以謚為姓

廬江 漢有蜀郡太守文翁居廬江舒縣裔孫揚州
刺史文欽又居譙郡奔吳為幽州牧譙侯生騫又後
將軍文聘文頴注漢書開元太學博士文元忠
雲

縉雲氏之後

河南 後魏書官氏志宥連氏改為雲氏狀稱本姓
赫連夏主教雲太子瓚生袖後魏太武改為雲氏袖

孫光祿北齊中書監廣陽公

定興 唐右武衛大將軍歸德公生師德師端師德
右威將軍生宏善宏暕宏善駕部郎中宏暕主客郎
中師端左武衛大將軍順陽公生宏允汾州刺史宏
業汝州刺史端姪昌左金吾大將軍隴西公也

員

前涼錄安夷人員平金城人員敞大夏人員倉景唐
吏部郎中員嘉靖華陰人蓋其後也

平涼 水部郎中員半千狀云本姓劉氏彭城綏興
里人宋宗室營陵侯劉遵考子起居部郎中疑之後
宋亡因背劉事魏太武以忠諫比伍員改姓員氏賜
名懷遠官至荊州刺史遠六代孫半千唐右諭德陝
州刺史自隋末又居臨汾半千生叔儼叔儼生太一
太一生錫結錫越州刺史結生寓侍御史寓生峴叔
峴刑部郎中叔秘書郎生嶷

芸

風俗通晉大夫云賢見戰國策

云

風俗通祝融之後

平陵 漢有諫議大夫云敞

河南 官氏志牒云姁氏改為云氏

軍

冠軍侯之後因以為姓

薰

姓苑云人姓

聞人

風俗通云少正卯魯之聞人其後遂以聞人為氏漢有太守聞人通沛人治后氏禮

沛國蘄縣 後漢書聞人敬伯沛人太僕聞人生普河東太守普生襲再為太尉梁有聞人蒨詩入玉臺集

軍車

代北複姓

